
	REPUBLIKA E KOSOVËS REPUBLIKA KOSOVA REPUBLIC OF KOSOVA KOMUNA E RAHOVECIT OPSTINA ORAHOVAC MUNICIPALITY OF RAHOVEC	
---	--	---

Për:	Operatorë Ekonomik: CPS Phoenix Group L.L.C. me adresë në Prizren Operatorëve Ekonomik Të gjitha palëve të interesuar
Nga:	Astrit Mullabazi, Zyrtar Përgjegjës i Prokurimit
Lënda:	VENDIM për Rishqyrtim të Kërkesës
Datë:	11.06.2026

Zyrtari Përgjegjës i Prokurimit i Komunës së Rahovecit, në mbështetje të nenit 108/A, paragrafi 10 të Ligjit Nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092, si dhe duke u bazuar në nenin 63 të Rregullores Nr. 001/2022 për Prokurim Publik, duke vendosur sipas **Kërkesës për Rishqyrtim**, të datës: **11.06.2026**, të parashtruar nga Operatori Ekonomik: **CPS Phoenix Group L.L.C. me adresë në Prizren**, lidhur me aktivitetin e prokurimit me titull: **Ofrimi i shërbimeve të sigurimit fizik të objekteve të Komunës së Rahovecit**, me Numër të prokurimit: **623-26-4363-2-1-1**, Numër i brendshëm: **623-26-024-2-1-1**, nxjerr:

V E N D I M

- I. **REFUZOHET** kërkesa e parashtruar nga Operatori Ekonomik: **CPS Phoenix Group L.L.C.** me adresë në **Prizren**, lidhur me aktivitetin e prokurimit me titull: **Ofrimi i shërbimeve të sigurimit fizik të objekteve të Komunës së Rahovecit**, me Numër të prokurimit: **623-26-4363-2-1-1**, Numër i brendshëm: **623-26-024-2-1-1**, kundër Njoftimit për Kontratë, të datës: **08.06.2026**, të publikuar në ueb-faqe: <https://e-prokurimi.rks-gov.net>
- II. Autoriteti Kontraktues vendos të vazhdoj me Njoftimin për Kontratë për aktivitetin e prokurimit: **Ofrimi i shërbimeve të sigurimit fizik të objekteve të Komunës së Rahovecit**, me Numër të prokurimit: **623-26-4363-2-1-1**, Numër i brendshëm: **623-26-024-2-1-1**
- III. Ky vendim hyn në fuqi ditën e nënshkrimit dhe do të publikohet për të gjitha palët në platformën elektronik në adresën: <https://e-prokurimi.rks-gov.net>

ARSYETIM

Operatori Ekonomik: **CPS Phoenix Group L.L.C.** me adresë në **Prizren**, lidhur me aktivitetin e prokurimit me titull: **Ofrimi i shërbimeve të sigurimit fizik të objekteve të Komunës së Rahovecit**, me Numër të prokurimit: **623-26-4363-2-1-1**, Numër i brendshëm: **623-26-024-2-1-1**, kundër Njoftimit për Kontratë, të datës: **08.06.2026**, të publikuar në ueb-faqe: <https://e-prokurimi.rks-gov.net>, ka bërë Kërkesë për Rishqyrtim me datë: **11.06.2026**, sipas nenit 108/A, të Ligjit për Prokurimin Publik (LPP) me Nr. 04/L-042.

Pas analizimit të pretendimeve ankimore, Dosjes së Tenderit, nevojave operative të Komunës së Rahovecit dhe legjislacionit në fuqi, Autoriteti Kontraktues konstaton se asnjëri prej pretendimeve **nuk është i bazuar.**

Objekti i kontratës nuk përfshin vetëm vendosjen pasive të rojeve në objekte, por sigurinë profesionale dhe të integruar të objekteve komunale, mbrojtjen e personelit, qytetarëve, dokumentacionit zyrtar dhe pasurisë publike. Për këtë arsye, Autoriteti Kontraktues gëzon të drejtën ligjore që të kërkojë kapacitete profesionale, teknike dhe organizative që garantojnë realizimin e kontratës me standardet më të larta të sigurisë.

Përgjigje I. PRETENDIMI LIDHUR ME MENAXHERIN E PROJEKTIT

Ankuesi pretendon se kërkesa që Menaxheri i Projektit të posedojë licenca për shërbime themelore dhe shërbime të specializuara përbën kriter diskriminues.

Vlerësimi i AK-së: Ky pretendim refuzohet si i pabazuar.

Menaxheri i Projektit është personi përgjegjës për menaxhimin operacional, koordinimin e stafit, trajtimin e incidenteve të sigurisë dhe mbikëqyrjen e zbatimit të kontratës.

Objektet komunale përfshijnë institucione me nivel të ndryshëm të rrezikut, ku përdoren njëkohësisht: masa të sigurisë fizike; sisteme alarmi; sisteme vëzhgimi elektronik; pajisje teknike të sigurisë.

Për këtë arsye, kërkesa që menaxheri të posedojë njohuri dhe kompetenca në të dyja fushat nuk është diskriminuese, por garanton menaxhim profesional të kontratës.

Asnjë dispozitë e Ligjit për Shërbimet Private të Sigurisë **nuk ndalon që një person të posedojë më shumë se një licencë profesionale** apo të ketë kompetenca në më shumë fusha të sigurisë.

Kriteri është vendosur në funksion të realizimit të kontratës dhe jo për favorizimin e ndonjë operatori ekonomik.

Prandaj pretendimi refuzohet si i pabazuar.

Përgjigje II. PRETENDIMI LIDHUR ME PESË OPERATORËT E CERTIFIKUAR PËR MONITORIM DHE VËZHGIM ELEKTRONIK

Ankuesi pretendon se kërkesa për minimum pesë operatorë të certifikuar për monitorim elektronik nuk lidhet me objektin e kontratës.

Vlerësimi i AK-së: Ky pretendim refuzohet **si i pabazuar**.

Autoriteti Kontraktues nuk ka kërkuar këta operatorë për të realizuar një kontratë të veçantë monitorimi elektronik, por si kapacitet mbështetës operacional për reagim ndaj incidenteve, verifikim të alarmeve, koordinim të ngjarjeve të sigurisë dhe ndërveprim me sistemet teknike të instaluar në objektet komunale. Siguria moderne nuk mund të trajtohet vetëm si prezencë fizike e rojeve.

Praktika bashkëkohore e sigurisë kërkon integrimin e sigurisë fizike me sistemet teknike të mbikëqyrjes.

Pesë operatorët e kërkuar përbëjnë kapacitet minimal organizativ për të siguruar funksionim të pandërprerë 24/7, zëvendësime gjatë pushimeve, sëmundjeve dhe rasteve emergjente.

Autoriteti Kontraktues ka diskrecion ligjor që të përcaktojë nivelin e kapacitetit profesional të nevojshëm për realizimin e kontratës, përderisa ky kriter zbatohet në mënyrë të barabartë për të gjithë operatorët ekonomikë.

Ankuesi nuk ka ofruar asnjë provë se kërkesa është e paarritshme për operatorët ekonomikë të licencuar në treg.

Prandaj pretendimi refuzohet si i pabazuar.

Përgjigje III. PRETENDIMI LIDHUR ME AUTOMJETIN ME DRITA SINJALIZUESE

Ankuesi pretendon se kërkesa për automjet patrullues me dritë sinjalizuese është e kundërligjshme dhe e pazbatueshme.

Vlerësimi i AK-së: Ky pretendim refuzohet **si i pabazuar**.

Autoriteti Kontraktues nuk ka kërkuar automjet emergjent policor dhe as përdorimin e pajisjeve që bien ndesh me legjislacionin në fuqi.

Qëllimi i kriterit është disponueshmëria e automjetit patrullues të identifikueshëm për reagim të shpejtë dhe koordinim operacional në rastet e incidenteve të sigurisë.

Kjo kërkesë lidhet drejtpërdrejt me: mbikëqyrjen e objekteve komunale; reagimin emergjent; kontrollin patrullues; ndërhyrjen operative në terren.

Automjetet patrulluese janë pjesë standarde e organizimit profesional të kompanive të sigurimit.

Për më tepër, ankuesi nuk ka paraqitur asnjë vendim administrativ apo dispozitë ligjore që ndalon posedimin apo përdorimin e automjeteve të pajisura sipas kërkesave të Dosjes së Tenderit.

Përkundrazi Autoriteti Kontraktues në Dosjen e tenderit ka cekur Ligjin dhe Udhëzimin Administrativ ku është bazuar për një kërkesë të tillë, poashtu kërkesa e njëjtë përdoret nga të gjitha Autoritetet Kontraktuese për të njëjtin shërbim për qëllime të sigurimit fizik.

Prandaj pretendimi refuzohet si i pabazuar.

Përgjigje IV. PRETENDIMI LIDHUR ME DOKUMENTACIONIN E INSTRUKTORËVE

Ankuesi pretendon se kërkesa për dokumentacionin e instruktorëve është e panevojshme dhe diskriminuese.

Vlerësimi i AK-së: Ky pretendim refuzohet si i pabazuar.

Trajnimi i stafit të sigurisë përbën një nga elementet më kritike për realizimin e suksesshëm të kontratës.

Autoriteti Kontraktues ka të drejtë të verifikojë jo vetëm ekzistencën e një marrëveshjeje me qendrën trajnuese, por edhe kapacitetin real profesional të subjektit që do të kryejë trajnimet.

Marrëveshja e bashkëpunimit, në vetvete, nuk garanton cilësinë e trajnimit.

Për këtë arsye është kërkuar dokumentacioni që dëshmon se trajnimet do të realizohen nga instruktorë të kualifikuar dhe kompetentë.

Ky kriter: lidhet drejtpërdrejt me cilësinë e shërbimit; garanton profesionalizmin e stafit të sigurisë; ul rrezikun operacional gjatë realizimit të kontratës; siguron mbrojtjen e interesit publik.

Kërkesa aplikohet në mënyrë të barabartë ndaj të gjithë operatorëve ekonomikë dhe nuk favorizon asnjë operator të veçantë.

Prandaj pretendimi refuzohet si i pabazuar.

Përcaktimi i këtyre kriterëve, të këtyre kërkesave ka të bëjë lëndën së natyrës së Projektit në fjalë, dhe gjithashtu kërkesat e tillë janë të domosdoshme për Aktivitetin e Prokurimit në fjalë.

Autoriteti Kontraktues gjatë përcaktimit të kërkesave dhe dëshmive është kujdesur që në maximum ti respektoj parimet thelbësore të përcaktuara me LPP siç janë, **Konkurrenca, Trajtimi i barabarte**

dhe jo diskriminim. Gjithashtu Autoriteti Kontraktues është kujdesur që të vendos vetëm kërkesa dhe dëshmi në pajtueshmëri me objektin e kontratës. **Kërkesat e vendosura në Dosjen e Tenderit dhe në Njoftimin për Kontratë sa i përket Kërkesave dhe dëshmime mbi mundësitë teknike dhe/ose profesionale** janë vendosur gjithashtu duke u bazuar plotësisht në nenin 69 paragrafin 6.1 dhe paragrafin 6.4 të Ligjit të Prokurimit Publik.

AK: Komuna e Rahovecit, me rastin e vendosjes së kriterëve apo kërkesave kualifikuese ka kërkuar vetëm ato **kërkesat dhe dëshmitë që janë ngushtë të lidhura** me sigurimin e cilësisë dhe kualitetit të lëndës së prokurimit/ **shiko Interpretimin Nr. 26 të dt. 09.06.2023.**

Kërkesa janë absolutisht të domosdoshme për të konfirmuar nëse Operatori Ekonomik potencial, ka kapacitetin e nevojshme teknik dhe profesional për të realizuar këtë projekt me sukses, në mënyrë efikase dhe efektive.

Këto kërkesat/dëshmitë kanë qenë të monitoruara nga **KRPP Departamenti i Monitorimit**, ku neve si Autoritet Kontraktues nuk na është dhënë ndonjë vërejtjeje për të larguar nga Njoftimi për Kontratë dhe Dosja e Tenderit ndonjë kërkesë.

Nga konstatimet e lartcekur u vendos si në dispozitave të këtij Vendimi.

Kjo procedurë është trajtuar konform Ligjit Nr. 04/042, Ligji për Prokurimin Publik në Republikën e Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-92.

KËSHILLË JURIDIKE:

Kundër këtij **vendimi të AK**—së **ju munde të paraqitni** ankesë pranë OSHP—së në pajtim me nenin 109 të LPP—së. Ankesa pranë OSHP—së duhet të dorëzohet brenda 10 (dhjetë) ditëve pas vendimit të lëshuar nga Autoriteti Kontraktues.

Vendimi Publikohet:

Në platformën elektronike në adresën: <https://e-prokurimi.rks-gov.net>